

PARLIMEN MALAYSIA

PEMBERITAHUAN PERTANYAAN DEWAN RAKYAT

PERTANYAAN : BERTULIS

**DARIPADA : TUAN MOHD RAFIZI BIN RAMLI
[PANDAN]**

SOALAN : **Tuan Mohd Rafizi bin Ramli MENTERI PERTANIAN DAN INDUSTRI ASAS TANI menyatakan senarai semua penerima geran Kerajaan bagi projek-projek akuakultur termasuk penternakan udang, udang kara dan lain-lain serta nyatakan jumlah setiap geran.**

JAWAPAN:

Tuan Yang Dipertua,

Sasaran akuakultur negara pada tahun 2020 telah ditetapkan sebanyak 1.764 juta tan metrik dengan nilai tidak kurang daripada RM12 bilion. Matlamat ini dijangka dapat dicapai melalui penekanan yang diberi oleh Kementerian Pertanian dan Industri Asas Tani kepada projek di bawah Rancangan Malaysia Ke-Sepuluh dan Ke-Sebelas serta pelaksanaan Program-Program Bidang Keutamaan '*National Key Economic Area (NKEA)*' bagi sektor Agro-makanan. Pelaksanaan projek NKEA bermula dari tahun 2011 sehingga 2020.

Terdapat tiga Projek Utama (*Entry Point Project – EPP*) di bawah NKEA akuakultur iaitu EPP#3 (rumpai laut), EPP#4 (ternakan ikan dalam sangkar bersepadu) dan EPP#6 (zon industri akuakultur bersepadu - i-ZAQ). Projek tersebut diterajui oleh syarikat-syarikat swasta yang dilantik

untuk memajukan kawasan Zon Industri Akuakultur (ZIA). Kerajaan memainkan peranan sebagai fasilitator dalam penyediaan kawasan ZIA, menyediakan geran infrastruktur (30% daripada jumlah pelaburan swasta) dan sokongan dalam aspek teknikal.

Pelaksanaan projek-projek NKEA akuakultur bagi ketiga-tiga EPP dijangka dapat menyumbang RM4.1 bilion kepada GNI negara dan menyediakan sebanyak 35,100 peluang pekerjaan. Sejak program ini dilancarkan pada tahun 2011, sejumlah 22 projek / syarikat peneraju telah diluluskan dengan kos quantum sebanyak RM664 juta.

Senarai penerima geran projek-projek NKEA akuakultur mengikut EPP di bawah selian Jabatan Perikanan Malaysia adalah seperti berikut:

i. EPP#3 (rumpai laut)

BIL	SYARIKAT	KAWASAN
1	Look Butun Seafarm Kluster Sdn. Bhd.	Semporna, Sabah
2	Gelam-Gelam Seafarm Kluster Sdn. Bhd.	Semporna, Sabah
3	Koperasi Masyarakat Bajau Laut Pelahu Lahad Datu Berhad	Semporna, Sabah
4	Koperasi Bumi Asli Merotai Tawau Berhad	Merotai, Tawau, Sabah

ii. EPP#4 (ternakan ikan dalam sangkar bersepadu)

BIL	SYARIKAT	KAWASAN
1	Plentiful Harvest Sdn. Bhd.	Silam dan Sandakan, Sabah
2	Trapia Malaysia Sdn. Bhd.	Grik, Perak
3	Organic Aquaculture Sdn. Bhd.	Sedili Kechil, Johor
4	Prima Bumisetia Sdn. Bhd.	Kota Kinabalu dan Lahad Datu, Sabah

iii. EPP#6 (Zon Industri Akuakultur Bersepadu - i-ZAQ)

BIL	SYARIKAT	KAWASAN
1	Pegagau Specialty Farming S/B	Kalabakan, Tawau, Sabah
2	KB Aquaculture S/B	Kota Belud, Sabah
3	Sunlight Inno Seafood S/B	Pitas, Sabah
4	QL Aquamarine Sdn. Bhd.	Kudat, Sabah
5	Hannan Corporation S/B	Selinsing, Perak
6	Hannan Corporation Sdn Bhd (Pulau Gula)	Pulau Gula, Perak (Kolam) Bachok, Kelantan (hatceri)
7	SBH Perak Agro Aquaculture Sdn Bhd	Kuala Kurau, Perak
8	JEFI Aquatech Resources S/B	Bukit Minyak, Pulau Pinang
9	JEFI Aquatech (Desaru) S/B	Desaru, Johor
10	RE Millennium Sdn Bhd	Desaru, Johor
11	Asia Aquaculture (M) S/B	Desaru, Johor
12	Blue Archipelago Berhad	Setiu, Terengganu
13	LKPP Corporation S/B	Pulau Permatang Pauh, Pekan, Pahang
14	Manjong Bio Ocean S/B	Rompin, Pahang (Kolam) Lumut, Perak (Hatceri)